

Ibhasi Enkulu Ezuba

 Mecelin Kakoro

 Mango Tree

 Xolisa Guzula

 Xhosa

 Level 2

(imageless edition)





Kwakukho ibhasi enye jwi elalilini ka-Ebei.
Yayinkulu kwaye izuba ngombala. Yayingxola
kakhulu.



Ngenye imini umama ka-Ebei wathi, “Kusasa ngomso sizokuya edolophini siyokuthenga iyunifomu yakho.”



U-Ebei wavuya kakhulu. Babeza kuhamba
ngebhasi enkulu ezuba ngombala.
Wayengakwazi ukulala ebusuku luvuyo.



Wayesele enxibile ngelixa umama wakhe engena ezokumvusa.



U-Ebei nomama wakhe baya esitophini
sebhasi. Balinda ibhasi enkulu embala uzuba.
Kodwa ibhasi ayizange ifike.



Abanye abantu bafika nabo esitophini.
Babekhalaza kuba ibhasi yayingalibambanga
ixesha layo. "Ingaba ibhasi isishiyile?"
Babebuza.



U-Ebei wakhathazeka. “Asizukwazi ukuya edolophini. Asizukwazi ukuyokuthenga iyunifomu yam,” wacinga.



Abanye abantu bajika babuyela emakhaya.
Kodwa u-Ebei wayekhala engafuni ukuya
ekhaya. Umama wakhe wamthuthuzela wathi,
“Siza kuqhubeka silinde.”



Ngokukhawuleza beva ingxolo. Babona uthuli emoyeni. Yayisiza ibhasi!



Kodwa ibhasi yayingekho zuba. Yayingekho nkulu. Le bhasi yayibomvu yaye incinane. Abantu ababelindile bayijonga nje ibhasi. Abazange bakhwele.



“Ngenani! Ngenani!” wakhwaza umqhubi
Waphinda wathi, “Sishiywe lixesha namhlanje.



U-Ebei nomama wakhe bangena kuqala.
Ngomzuzwana wonke umntu wangena
ebhasini ebomvu encinane.



U-Ebei wajonga phandle ngefestile. Wabona abanye abantu abaninzi esitophini.



Abanye abantu abaninzi babebaleka beleqa ukukhwela ibhasi. Kodwa babesele beshiywe lixesha. Ibhasi yayisele igcwele. Ibhasi ebomvu yahamba yaya edolophini.



“Iphi ibhasi enkulu ezuba ngombala?”
Kwabuza umama ka-Ebei. “Yonakele,”
waphendula umqhubi. “Siyayilungisa, iza kuba
khona ngomso,” watsho umqhubi.



U-Ebei wayengenaxesha lombala webhasi.
Wayengenaxesha lobukhulu bebhasi.
Wayevuyiswa kukuba wayesiya edolophini.



Storybooks South Africa

global-asp.github.io/storybooks-southafrica

Ibhasi Enkulu Ezuba

Written by: Mecelin Kakoro

Illustrated by: Mango Tree

Translated by: Xolisa Guzula

This story originates from the African Storybook (africanstorybook.org) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons
[Attribution 4.0 International License](https://creativecommons.org/licenses/by/4.0/).